

04/05/2005

JAMUAN RAIKAN TUN DR MAHATHIR 21 MEI

JOHOR BAHRU, 4 Mei (Bernama) -- Jemaah Malabar Muslim Negeri Johor akan menganjurkan Majlis Jamuan Makan Malam Jasamu Dikenang; Tun Dr Mahathir di Pusat Dagangan Dunia Putra di Kuala Lumpur pada 21 Mei ini.

Setiausaha jawatankuasa penganjur Hussin Ibrahim berkata lebih 5,000 dari 30 badan bukan kerajaan India Muslim dari seluruh negara ini dijangka mengadiri jamuan itu bertujuan menghargai sumbangan Tun Dr Mahathir Mohamad sebagai bekas Perdana Menteri yang telah berkhidmat selama lebih dua dekad.

"Jamuan ini juga diharap dapat menyemai budaya berterima kasih kepada orang yang membantu dalam pembangunan negara selaras dengan nilai bersyukur," katanya.

NGO India Muslim yang berminat untuk turut serta boleh menghubungi Hussin Ibrahim menerusi talian 017-7864323 atau 07-5999786 untuk keterangan lanjut.

-- BERNAMA  
SSE MHI MAI